



Sarajevo, 05.05.2020. godine

Broj: 06-06-2-594-3-4/20

Predmet: Poziv na online seminar (webinar) – Intelektualno vlasništvo u vrijeme pandemije koronavirusa (COVID-19)

Poštovani/a,

Vanjskotrgovinska komora Bosne i Hercegovine i Agencija za državnu službu Bosne i Hercegovine pozivaju zainteresirane uposlenike bh. kompanija i državne službenike na dvodnevni webinar na temu „**Intelektualno vlasništvo u vrijeme pandemije koronavirusa (COVID-19)**“, koji će se održati **11.05. (12:00 – 13:30) i 12.05.2020. godine (13:00 – 14:30)**. Riječ je o nastavku uspješne suradnje između Agencije za državnu službu BiH i Vanjskotrgovinske komore BiH, koji su u proteklim godinama uspješno organizirali dva ciklusa škole „Ekonomska diplomatija“ u Sarajevu i Banja Luci. Ciljna grupa webinarara su uposlenici bh. kompanija, predstavnici poslovne zajednice i državni službenici.

Predavač

Predavač na webinaru je Doc. dr. Haris Hasić, univerzitetski profesor na Pravnom fakultetu Univerziteta u Travniku gdje, između ostalog, predaje predmete prava intelektualnog vlasništva. Doktorirao je i magistrirao na užoj specijalizaciji prava intelektualnog vlasništva. Koautor je tri knjige o pravu intelektualnog vlasništva, kao i brojnih naučnih članaka objavljenih u BiH i inostranstvu, uključujući i od strane Svjetske organizacije za intelektualno vlasništvo.

Sadržaj webinarara

Pojam prava intelektualnog vlasništva, kratak pregled individualnih grana PIV, te osnovne karakteristike zaštite IV u BiH i inostranstvu; Pregled uticaja pandemije novog koronavirusa COVID-19 na korištenje i zaštitu IV u BiH; Anketa konkretnih problema sa kojima se polaznici susreću; Autorsko i srodna prava; Patent; Žig; Zaštita geografskih oznaka porijekla; Zaštita industrijskog dizajna i p.c.v.; Zaštita internet domena u kontekstu p.c.v.; Zaštita podataka dobivenih testiranjem lijekova (Test data protection) iz Zakona o lijekovima i medicinskim pomagalicama; Drugi aspekti intelektualnog vlasništva i p.c.v.; Brainstorming i strategije za rješavanje konkretnih problema sa kojima se polaznici susreću.

Cilj webinarara

Cilj webinarara je upoznati polaznike sa posljedicama i implikacijama na razne oblike korištenja i zaštite intelektualnog vlasništva pandemije COVID-19 tako da mogu primjetiti opasnosti, ali i prilike vezane za intelektualno vlasništvo u p.c.v. Cilj je ukazati polaznicima na najbolju praksu širom svijeta posebno naglašavajući primjenjivost mjera u BiH kao i relevantna pravna pravila. Poseban cilj obuke je omogućiti polaznicima da istaknu konkretne probleme sa kojima se susreću vezane za tematiku, te pružiti primjenjive strategije i savjete za iste.



Očekivani ishodi

Po završetku obuke polaznici bi trebali biti upoznati sa uticajem na korištenje i zaštitu intelektualnog vlasništva u kontekstu pandemije COVID19; trebali bi moći identifikovati vlastite i aktivnosti drugih koje mogu predstavljati povredu intelektualnog vlasništva, kao i koje korake bi mogli poduzeti da izbjegnu ili zaštite se od te povrede; dobiti praktične savjete na sve konkretne probleme sa kojima se susreću u ovom kontekstu ali i moći identifikovati probleme kojih nisu bili svjesni prije obuke. Očekivani ishod jeste i osposobljavanje polaznika da mogu razumjeti probleme, ali i djelovati prema svom i tuđem intelektualnom vlasništvu u vrijeme pandemije.

Prijava i pristup

Učešće na webinaru je **besplatno** za uposlenike bh. kompanija koji izvrše prijavu popunjavanjem [online prijavnog obrasca VTK BiH](#), najkasnije do 08.05.2020. godine u 12:00 sati. Broj učesnika je ograničen, zbog čega se preporučuje blagovremena prijava.

Webinar će biti održan preko Adobe Connect platforme. Za pristup webinaru preko PC/laptop računara nije potreban download Adobe Connect aplikacije. Korisnicima mobilnih telefona i tableta se preporučuje da prije webinara izvrše download (besplatne) Adobe Connect aplikacije na Google Play i App Store-u. Svim prijavljenim polaznicima će na dan održavanja webinara biti dostavljen link za pristup webinaru. Državni službenici se prijavljuju na webinar putem Informacionog sistema za upravljanje procesom organizacije obuke (TMS) na <https://www.ilearn.gov.ba>

Kontakt za više informacija

Kontakt osoba za uposlenike bh. kompanija je gospodin Mirza Konjo, saradnik za edukaciju u VTK BiH (033/566-204; mirza.konjo@komorabih.ba).

U nadi da ćete prepoznati značaj webinara, te svojim učešćem uveličati organizaciju istog, srdačno Vas pozdravljam i ostajem

S poštovanjem,

Dr.sc. Elma Kovačević-Bajtal
Sektor za edukaciju VTK BiH
Direktorica